

放生儀軌

佛陀教育基金會印贈

先於佛前置楊枝、水盂，捻香、燃燈，種種供養。然後以慈悲心，視所放衆生，念其沉淪，深生哀憫。復念三寶有大威力，能救拔之。作是觀已，默念想云：一心奉請大慈大悲觀世音菩薩，降臨道場，加持此水，具大功勳，沾洒所放衆生，令彼身心清淨，堪聞妙法。

◎一、香讚

楊枝淨水、徧灑三千、性空八德利人天、福壽廣增延。滅罪除愆、火焰化紅蓮。（唱、念皆可）

南無清涼地菩薩摩訶薩 三稱、三拜

◎二、持咒

南無大悲觀世音菩薩 三稱

大悲咒 一：三遍 心經 一遍

自始至此、大眾同念。此下至念彌陀聖號之前、皆爲主法一人白念。

千手千眼無礙大悲心陀羅尼

南那摩無、喝合辣囉達奴怛那、哆多辣囉夜耶 南那摩無、阿窩利唎耶

婆盧羯吉帝、爍鑠鉢辣鉢囉耶 菩提薩埵朶婆耶 摩呼訶

薩埵朶婆耶 摩呼訶、迦加盧尼加迦耶 唵安 薩鉢辣皤囉

罰法洩曳 數達奴怛那達夏寫 南那摩無、悉栗朶吉唎埵、伊蒙

窩利
阿唎耶

婆盧吉帝

室佛囉楞馱婆
辣靈陀

南無
那摩

奴辣池
那囉謹墀

希利呼
醯唎摩訶

鉢多米
皤哆沙咩

窩拖
薩婆阿他

書
豆輸朋

窩四運
阿逝孕

薩婆薩哆
多那

多
那摩婆薩哆

那茄
那摩婆伽

法
摩罰特豆

達之拖
怛姪他

安窩
唵、阿婆盧

希
醯

加
盧迦帝

加
迦羅帝

希利
夷醯唎

呼
摩訶菩提薩

埵朶

薩婆薩婆

摩囉辣摩囉辣

摩醯希摩醯希、唎馱利陀

孕運

俱盧俱盧、羯蒙吉

度盧度盧、罰閣耶帝法蛇

摩訶法蛇罰閣耶帝

陀囉辣陀囉辣

地唎賽利尼室佛囉辣

耶遮囉辣遮囉辣

麼麼、罰法摩囉辣

穆帝利隸伊

醯希伊希

室奴那奴室那

阿窩辣生囉辣參、佛囉辣舍利

罰法

沙罰參法生

佛囉舍耶辣

呼盧呼盧摩囉辣

呼盧呼

盧醯利希

娑囉娑囉辣

悉唎唎利

蘇嚧蘇嚧盧

菩提夜、菩提夜

菩馱夜陀、菩馱夜陀

彌帝唎迷利

夜那囉謹墀奴辣池

地利瑟尼那賽色奴

婆夜摩那奴

娑

婆訶呼

悉陀夜

娑婆訶呼

摩訶悉陀夜

娑婆

訶呼

悉陀預義喻藝

室皤鉢辣耶囉夜

娑婆訶呼

那囉奴辣謹

墀池

娑婆訶呼

摩囉辣奴辣那囉

娑婆訶呼

悉囉辣生僧、

阿窩

穆佉耶茄

娑婆訶呼

娑婆摩訶呼

阿窩悉陀夜

娑婆訶呼

者吉囉辣

阿窩悉陀夜

娑婆訶呼

波陀

摩、羯吉悉陀夜

娑婆訶呼

那囉奴辣

墀池

皤鉢斜辣伽囉

耶 娑婆訶呼

摩婆利、勝羯囉夜吉辣耶

娑婆訶呼

南無喝囉怛那那摩合辣達奴

哆囉夜耶多辣

南無、阿利耶那摩窩

婆羅吉帝

爍皤囉夜索鉢辣

娑婆訶呼

唵安、悉殿都

漫多囉辣

跋陀耶鉢

娑婆訶呼

般若波羅蜜多心經

唐三藏法師玄奘譯

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如

是。舍利子。是諸法空相。不生不滅。不垢不
淨。不增不減。是故空中無色。無受想行識。無
眼耳鼻舌身意。無色聲香味觸法。無眼界。乃
至無意識界。無無明。亦無無明盡。乃至無老
死。亦無老死盡。無苦集滅道。無智亦無得。以

無所得故。菩提薩埵。依般若波羅蜜多故。心
無罣礙。無罣礙故。無有恐怖。遠離顛倒夢想。

究竟涅槃。三世諸佛。依般若波羅蜜多故。得
阿耨多羅三藐三菩提。故知般若波羅蜜多。是
大神咒。是大明咒。是無上咒。是無等等咒。能

除一切苦。真實不虛。故說般若波羅蜜多咒。
即說咒曰。

揭諦。揭諦。波羅揭諦。波羅僧[◎]揭諦。

菩提薩婆訶。

三、啓請

香花迎

香花請

(先捻香三炷、然後手持香花供碟迎請。)

弟子○○○、一心奉請、盡虛空遍法界、十方常

住、佛法僧三寶。

(三請、更執手爐仰白。無手爐則合掌。)

十方三寶、釋迦本師、彌陀慈父、寶勝如來、觀音菩薩、流水長者子、天臺、永明、蓮池諸大士等。惟願慈悲證知護念、今有水陸空中諸衆生等、爲他網捕、將入死門、弟子○○○等、發慈悲心、修

菩薩行、贖其身命、行放生業、並爲稱揚寶勝如來十種通號、解說十二因緣法相、懺悔宿業。

(僧用) 授與三皈、
(俗用) 代受三皈

發四弘誓願、念彌陀聖號、仰乞

三寶、威德冥加、哀憐攝受。

四、稱名

南無寶勝如來、應供、正徧知、明行足、善逝、世間解、無上士、調御丈夫、天人師、佛世尊。

說法

諸佛子、我今爲說十二因緣生相滅相、令汝了

知生滅之法、悟不生滅、同於諸佛、證大涅槃。

甲、生相

所謂無明緣行、行緣識、識緣名色、名色緣六入、六入緣觸、觸緣受、受緣愛、愛緣取、取緣有、有緣生、生緣老死憂悲苦惱。

乙、滅相

所謂無明滅、則行滅、行滅則識滅、識滅則名色滅、名色滅則六入滅、六入滅則觸滅、觸滅則受滅、受滅則愛滅、愛滅則取滅、取滅則有滅、有

滅則生滅、生滅則老死憂悲苦惱滅。

◎五、懺悔

諸佛子、汝等多生障重、墮在畜生、今爲汝等、對三寶前、發露罪愆、汝當隨我、求哀懺悔。

往昔所造諸惡業 皆由無始貪瞋癡

從身語意之所生 一切我今皆懺悔 三遍

◎六、皈依

諸佛子、汝等不聞三寶、不知皈依、所以輪迴三有、墮畜生身、我今爲汝、

(僧用)授與三皈依法、
(俗用)代受三皈依法、

汝今諦聽、諸佛子等。

皈依佛——皈依佛兩足尊——皈依佛不墮地獄

皈依法——皈依法離欲尊——皈依法不墮餓鬼

皈依僧——皈依僧衆中尊——皈依僧不墮畜生

皈依佛竟 皈依法竟 皈依僧竟 三說

◎七、發願 諸佛子、再爲汝等、稱四弘誓願、令汝得聞、依

法發願、依願修行、汝今諦聽。

衆生無邊誓願度 煩惱無盡誓願斷

法門無量誓願學 佛道無上誓願成 三遍

◎（此時打大磬一下、長跪合掌、然後壓磬、接念）

◎八、求願

南無常住十方佛僧法（二遍）

弟子○○○一心求哀仰願

十方三寶、慈悲加持、憐憫護念。

甲、願所放衆生、既放之後、永不遭遇網捕吞殺、獲

盡天年、速生淨土。

乙、並願捕生人等、回心向善、頓悟三世因果、及生佛心性平等無二之理、解冤解結、救世救生、發

菩提心、行菩薩道。

（菩提，覺也。覺悟因果，不昧生佛一如也。）

丙、更願放生弟子〇〇等、

三障蠲除、福慧增長、三學增明、行願宏固、自修定慧、爲度衆生、救護衆生、常如己想、

畢竟今生、得生安養、廣度衆生、共證眞常◎

（打大磬，拜下。起立後，壓磬。舉唱）

九、念佛

南無西方極樂世界◎大慈大悲阿彌陀佛◎

（擊禱槌，衆隨同念。）

◎十、灑水

南無阿彌陀佛

（主法者持水盂，以楊枝淨水，沾洒所放衆生身上。）

◎十一、放生

阿彌陀佛

（改念四字佛號，隨即開籠放鳥，或持器出外放生。）

◎十二、同向

願以此功德◎

莊嚴佛淨土

上報四重恩

下濟三途苦

若有見聞者

悉發菩提心◎

盡此一報身

同生極樂國◎

十方三世一切佛

一切菩薩摩訶薩

摩訶般若波羅蜜

(全)

附 錄

一、簡略行法 可摘用儀規中一、二、五、六、七、八、十、十一、十三、（加◎號者）依法行之。

二、隨時放生 已依儀規放生之後、有續至放生者、則依左例之法行之。

先持大悲咒一遍、次爲受三皈、念彌陀聖號、洒水放之、不可延遲、以致損喪鳥魚生命、不可不慎。又若過早携生

物來者、亦當依上法隨時放之、不必等齊。

三、儀規中諸大士放生因緣

甲、流水長者子 金光明經云、無量劫前、世尊行菩薩道時、爲流水長者子。出見十千游魚、困涸水中、將欲危斃。乃用二十大象、負囊盛水、傾注得活。後爲稱寶勝如來十號、說十二因緣法、魚尋命終、脫畜生身、生忉利天。

乙、天臺智者大師 隋天臺山智顛大師、煬帝號爲智者、師曾鑿池勸人放生。歷代大德、多有此事、今之西湖乃大師所創古放生池也。

丙、永明延壽禪師 五代時、吳越王鎮杭、師爲餘杭縣庫吏、屢以庫錢買魚蝦等物放生。後坐監守自盜罪、法當棄市。及將臨刑、王頗知其放生、故諭刑官、觀其辭色以覆。師臨死地、面無戚容、人怪問之、答云、將生

極樂世界、豈不喜乎、王聞而釋之。師乃出家爲僧、克勤修持、得成道業。後有僧入冥、見閻羅王時時出座、禮一僧像、問之、則永明壽禪師也、謂已生西方、上品上生、王敬其德、乃時禮耳。

丁、蓮池大師 明蓮池大師、立放生池於上方長壽二處、著戒殺放生文、流通天下、迄今三百餘年、景仰高風、慈濟物類之緇素、不可勝數。

戒殺放生嘉言

戒殺文

蓮池大師

世人食肉，咸稱理所當然；乃恣意殺生，廣積怨業；相習成俗，不自覺知。昔人有言：「可爲痛哭流涕長太息者」是也。計其迷執，略有七條；開列如左，餘可例推云。

一曰、生日不宜殺生 「哀哀父母，生我劬勞。」己身始誕之辰，乃父母垂亡之日也。是日也，正宜戒殺持齋

，廣行善事；庶使先亡考妣，早獲超昇；現在椿萱，增延福壽。何得頓忘母難，殺害生靈，上貽累於親，下不利於己？此舉世習行而不覺其非，可爲痛哭流涕長太息者，一也！

二曰、生子不宜殺生 凡人無子則悲，有子則喜；不思一切禽畜，亦各愛其子。慶我子生，令他子死，於心安乎？夫嬰孩始生，不爲積福，而反殺生造業，亦太愚矣！此舉世習行而不覺其非，可爲痛哭流涕長太息者，二也！

三曰、祭先不宜殺生 亡者忌辰，及春秋祭掃，俱當戒殺以資冥；殺生以祭，徒增業耳！夫八珍羅於前，安能起九泉之遺骨而使之食乎？無益有害，智者不爲矣。此舉世習行而不覺其非，可爲痛哭流涕長太息者，三也！

四曰、婚禮不宜殺生 世間婚禮，自問名納采，以至成婚，殺生不知其幾？夫婚者，生人之始也；生之始而行殺，理既逆矣。又婚禮，吉禮也；吉日而用兇事，不亦慘乎？此舉世習行而不覺其非，可爲痛哭流涕長太息者，四

也！

五曰、宴客不宜殺生 良辰美景，賢主佳賓，疏食菜羹，不妨清致。何須廣殺生命，窮極肥甘；笙歌饜飫於杯盤，宰割怨號於砧几？嗟乎！有人心者，能不悲乎？此舉世習行而不覺其非，可爲痛哭流涕長太息者，五也！

六曰、祈禳不宜殺生 世人有疾，殺生祀神以祈福佑。不思己之祀神，欲免死而求生也；殺他命而延我命，逆天悖理，莫甚於此矣！夫正直者爲神，神其有私乎？命不

可延，而殺業具在。種種淫祀，亦復類是。此舉世習行而不覺其非，可爲痛哭流涕長太息者，六也！

七曰、營生不宜殺生 世人爲衣食故，或畋獵，或漁捕，或屠宰牛羊豬犬等，以資生計。而我觀不作此業者，亦衣亦食，未必其凍餒而死也。殺生營生，神理所殛；以殺昌裕，百無一人。種地獄之深因，受來生之惡報，莫斯爲甚矣！何苦而不別求生計乎？此舉世習行而不覺其非，可爲痛哭流涕長太息者，七也！

戒殺祝願

若能一月不殺。至月盡夜。或次月朔旦。對佛像前。至心禮拜。白言。弟子○○○。一心皈命西方極樂世界阿彌陀佛。我遵先佛明誨。今行不殺。已及一月。以此功德。願我罪業消除。冤衍解釋。所修善根。日益增長。命終之際。身心安穩。正念分明。蒙佛接引。生極樂國。七寶池內。

蓮華之中。花開見佛。得無生忍。具足佛慧。以大神力。凡我曠劫所殺冤命。以及十方被殺衆生。悉得度脫。成無上道。願佛慈悲。哀憐攝受。發願已。念佛或百聲千聲萬聲。隨意多少。

放生祝願

放生已。對佛像前至心禮拜。白言。弟子○○○。一心皈命西方極樂世界阿彌陀佛。我遵先佛明誨。今行放生。已得若干善業。以此功德。願我罪業消除。冤衍解釋。所修善根。日益增長。命終之際。身心安穩。正念分明。蒙佛接引。生極樂國。七寶池內。蓮華之中。華開見佛。得無生

忍。具足佛慧。以大神力。凡我所放一切生命。以及十方無盡有情。盡得度脫。成無上道。願佛慈悲。哀憐攝受。發願已。念佛或百聲千聲萬聲。隨意多少。

放生利益

上順佛法	下度衆生	消弭殺劫	減免災厲
癒病延壽	逢凶化吉	解冤釋結	廣結善緣
善神擁護	惡鬼遠離	夜夢安穩	心生法喜
深植善根	厚培福德	不墮三途	當生極樂

戒殺放生佳句

回道人

汝欲延生聽我語
凡事惺惺須求己
如欲延生須放生
此是循環真道理
他若死時你救他
汝若死時人救你

白居易

勸君莫打三春鳥
兒在巢中望母歸

蘇東坡

鈎簾歸乳燕

穴牖出癡蠅

愛鼠常留飯

憐蛾不點燈

願雲禪師

千百年來盃裏羹

冤深似海恨難平

欲知世上刀兵劫

但聽屠門夜半聲

孟子

見其生不忍見其死

聞其聲不忍食其肉

心好命又好。富貴直到老。命好心不好。福變爲禍兆。
心好命不好。禍轉爲福報。心命俱不好。遭殃且貧夭。
心可挽乎命。最要存仁道。命實造於心。吉凶惟人召。
信命不修心。陰陽恐虛矯。修心一聽命。天地自相保。

此詩。於心命二義。發揮周到。果能依之
行。則命自我作。福自我求。造化之權不
歸於天地鬼神矣。

〓〓釋印光

復羅智聲居士放生要旨六則

(印光大師文鈔三編卷上)

智聲鑑：手書具悉。放生之款，用於放生之各種零費，只期自己無有他用，固無所礙；然亦不妨于衆集時爲衆說明，則自他俱可無慮矣。

光一向不主張于佛菩薩誕期，及各朔望好日期放生。

此事已成鐵案，捕生者特爲放生者多捕；則買而放者，亦多有因放而捕來耳。然人情多好名，此各日放生則有名。又人情多以因循了事，若不於此各日放，則便不肯特爲買放矣。光雖爲人如此說，究亦只成空談。

又生亦不可亂放。放之于江，則無不可；放之于池，凡害魚之魚亦放其中，是放賊于人民之聚處，則群魚皆爲彼之食料。

然欲一一如法，實難做到。是宜極力提倡戒殺吃素，以爲根本解決之法。其于放生，略爲舉行，以期人各體會放之之意而已。若儘量放，而設法未能合法，則亦只功過不相掩耳。放生之舉，事雖爲生，意實爲人。人若止殺，則固用不著此種作爲。然人食肉之心愈盛，不設此舉，久而久之，將舉非洲之野蠻行爲，徧行于世。可不預爲設法，令彼嗜殺嗜肉之人，同生反躬自省之誠乎？

放生者，但以不忍殺生爲念，不能計及彼之食生物與否。魚多食小魚，及小水蟲。若如所論，則放一大魚，必日殺無數小魚、水蟲。則放一以殺多，是放之功少過多也。然穿山蛇獺，究無幾何。既不能盡生物皆買放，則似宜從緩，庶免閒議。

放生以志誠爲彼念佛持呪爲本，所有儀式，亦不過表示法相而已。如有其人，固宜按儀式行，否則但竭誠念佛

即已。又凡生欲放，若夏日當宜速行；倘泥于等齊、按儀式作法，或至久經時刻，有礙生命。居士放生宜從省略。若真誠無僞僭之心，即按儀式行，亦非絕不可行；若妄效僧儀，則成我慢矣。法固圓融，當善用心。在家居士可放蒙山，則此放生儀，固無所礙，然須絕無僭越之心，深存度生之念方可耳。

按：民國二十二年癸酉，鼓山湧泉寺，新建放生園落

成。大師爲撰碑文，勒石於白雲堂前。於放生之理，已發揮無遺。今福州怡山長慶寺、第一山門放生池增築圍牆。迨工告竣，而大師年已八秩，力衰目病。不敢再勞老人筆墨，謹檢老人曩日來諭真跡，指示關於放生要旨六則，勒石池左，願與現未從事放生者共勉之。

中華民國二十九年歲次庚辰仲春吉旦皈依弟子羅智聲敬識

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五五八年／西元二〇一四年六月

放生儀軌、戒殺放生嘉言合刊發

恭印二〇〇本

流水號：12369
書號：CH750-15

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org> E-mail: budaedu@budaedu.org

網 址：<http://www.budaedu.org>

手機行動上網網址：<http://budaedu.emome.net>

電話：(02) 2395-1198

劃撥戶名：財團法人佛陀教育基金會

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四九五〇三

本會經書免費結緣之請取方式如下：

(一) 親臨本會三樓講堂。(1) 利用傳真：(02) 23965959

(二) 撥打電話：(02) 23951198 分機：11、12

(三) 撥打電話：(02) 23951198 分機：11、12

(四) 網 址：<http://www.budaedu.org/books/>。(五) 寫信指定：本會法寶流通股。

為提高服務效率，請多利用文字方式，儘量少用電話。並請詳寫經書名稱、冊數

及收件人姓名、地址、電話、郵遞區號，且避免姓名、地址等文字上書寫之錯誤，

以減少郵資及法寶浪費；若大量申請，請務必註明用途。

◎本會經書，歡迎翻印（請勿增刪），贈送流通，功德無量。

◎本會交通

※捷運：善導寺站5號出口，至杭州南路右轉，過兩個紅綠燈。

※公車：審計部站→212、299、232、205、276、605、257、262

台北商業技術學院→253、297、237、仁愛路二段→297、253 開南商工→208

仁愛、杭州南路口（紹興街）→630、270、263、621、651、37、261



行政院新聞局出版事業登記證局版臺業字第三八六九號